

თბილისის სახელმწიფო სამედიცინო უნივერსიტეტის
აღ. ალადაშვილის სახელობის საუნივერსიტეტო კლინიკა



სამედიცინო მოწყობილობები
(CPV33100000)

2015 წლის საკუთარი შემოსავლების ფარგლებში
სახელმწიფო შესყიდვა
ელექტრონული ტენდერის საშუალებით

სატენდერო დოკუმენტაცია

თბილისი
2015 წელი

სარჩევი

1. ინსტრუქცია ტენდერში მონაწილეთათვის
2. საკვალიფიკაციო მონაცემები
3. ტექნიკური დოკუმენტაცია
4. სახელმწიფო შესყიდვის შესახებ ხელშეკრულების პროექტი
5. დამატებითი ინფორმაცია
6. დანართი N1 რეკვიზიტები
7. დანართი N2 ფასების ცხრილი
8. დანართი N3 ძირითადი მახასიათებლები

1. ინსტრუქცია ელექტრონულ ტენდერში მონაწილეობის

- 1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის მეშვეობით.
- 1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების შესაბამისად.
- 1.3. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.4. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.
- 1.6. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

2. საკვალიფიკაციო მოთხოვნები:

2.1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1 როგორც იურიდიული ასევე ფიზიკური პირებისათვის:

ა) ცნობა საქართველოს საჯარო რეესტრის ეროვნული სააგენტოდან, ქონებაზე საჯარო-სამართლებრივი შეზღუდვის (ყადაღის) არარსებობის შესახებ.

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების

დამადასტურებელი დოკუმენტების გაცემის თარიღი არ უნდა უსწრებდეს „წინადადებების მიღება დაწყებულია“ - სტატუსის მინიჭების თარიღს, ხოლო არარეზიდენტი პრეტენდენტის შემთხვევაში საკვალიფიკაციო მონაცემების დამადასტურებელი დოკუმენტები გაცემული უნდა იყოს აღნიშნული სტატუსის მინიჭებამდე არაუგვიანეს 30 დღისა;

2.3. ამ პუნქტის 2.1 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენებით, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

3. ტექნიკური დოკუმენტაცია

3.1. პრეტენდენტმა უნდა წარმოადგინოს რეკვიზიტები, სატენდერო წინადადების მოქმედების ვადადანართი №1-ის მიხედვით დასატენდერო წინადადების ფასი დანართი №2-ის მიხედვით.

3.2. ანგარიშსწორების პირობები:

3.2.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2.2. ანგარიშსწორების ფორმა -უნაღდო;

3.2.3. ანგარიშსწორება განხორციელდება საქონლის მოწოდების დამადასტურებელი დოკუმენტის (სასაქონლო ზედნადები, ანგარიშ-ფაქტურა) წარმოდგენისა და შესაბამისი მიღება-ჩაბარების აქტის გაფორმების თარიღიდან არაუგვიანეს 20 სამუშაო დღისა;

3.2.4. საავანსო ანგარიშსწორება არ გამოიყენება.

3.3. შესყიდვის ობიექტის ტექნიკური პარამეტრები:

3.3.1. შესყიდვის ობიექტია 2015 წლის საკუთარი შემოსავლების ფარგლებში, სამედიცინო აპარატურა.

3.3.2. საქონლის რაოდენობა და მინიმალური მახასიათებლები მოცემულია დანართ №3-ში.

3.3.3. შესყიდვის ობიექტის საგარანტიო პერიოდი არ უნდა იყოს 2 წელზე ნაკლები.

3.3.4. პრეტენდენტმა წინადადებასთან ერთად სავალდებულო წესით სისტემაში უნდა ატვირთოს:

3.3.4.1. შესყიდვის ობიექტის ხარისხის დამადასტურებელი სერტიფიკატი (ISO და CE ან FDA);

3.3.4.2 შესყიდვის ობიექტის კატალოგები, ინსტრუქციები, ბროშურები ან მსგავსი დოკუმენტაცია, რაც დაადასტურებს სატენდერო მოთხოვნებთან წინადადების შესაბამისობას. სატენდერო წინადადებასა და კატალოგის/პასპორტს შორის განსხვავების არსებობის შემთხვევაში, მიმწოდებელმა უნდა წარმოადგინოს მწარმოებლის წერილობითი დასტური პარამეტრის კორექტირების-შესაბამისობის შესახებ. აღნიშნული დოკუმენტების წარმოდგენლობის შემთხვევაში შემსყიდველი უფლებამოსილია პრეტენდენტს მისცეს დისკვალიფიკაცია.

3.3.5. თანმდევი მომსახურება მოიცავს:

3.3.5.1. ინსტალირება/მონტაჟი;

3.3.5.2. პერსონალის ტრენინგი მომზადება/გადამზადება;

3.3.5.3. საჭიროების შემთხვევაში სატელეფონო კონსულტაცია.

3.3.6. მიმწოდებელმა შესყიდვის ობიექტის მონტაჟი უნდა უზრუნველყოს საჭირო მარაგანაწილებით.

3.4. მიწოდების პირობები და ვადები:

3.4.1. მიწოდება უნდა განხორციელდეს თბილისის სახელმწიფო სამედიცინო უნივერსიტეტის თ.ს.ს.უ. ალ. ალადაშვილის სახელობის საუნივერსიტეტო კლინიკაში მისამართზე: ქ. თბილისი გუდამაყრის N4.

3.4.2. მიწოდება უნდა განხორციელდეს ეტაპობრივად, შემსყიდველის მოთხოვნის შესაბამისად ხელშეკრულების გაფორმებიდან 2015 წლის 31 დეკემბრამდე (ჩათვლით), მოთხოვნიდან 15 დღის ვადაში.

3.4.3. შესყიდვის ობიექტი უნდა იყოს ძირითადი მახასიათებლების (დანართი №3) მსგავსი, ექვივალენტური.

3.5 საჭიროების შემთხვევაში, პრეტენდენტმა, შემოთავაზებული საქონლის შესატყვისი ნაწარმი ნიმუშის სახით (ინსტრუმენტები, სახარჯი მასალა, აქსესუარები) უნდა წარმოადგინოს 10 სამუშაო დღის ვადაში.

3.6 იმ შემთხვევაში, თუ პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით არის დაბალი შესყიდვის ობიექტის სავარაუდო ღირებულებაზე, მაშინ პრეტენდენტმა უნდა დაასაბუთოს ფასწარმოქმნის ადეკვატურობა ექსპერტიზის დასკვნით, ან ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას (სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ სახელმწიფო შესყიდვების სააგენტოს თავმჯდომარის მე-11 მუხლის 2¹ პუნქტის შესაბამისად).

3.7. მიმწოდებელი ეთანხმება სატენდერო დოკუმენტაციაში მოცემულ პირობებს (მათ შორის მოწოდებისა და ანგარიშსწორების პირობებს) რომელსაც ტვირტავს ელექტრონულ სისტემაში.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული იქნება ხელშეკრულებას, როგორც მისი განუყოფელი ნაწილი.

ხელშეკრულება №

ქ. თბილისი

----- 20 წ.

ერთის მხრივ თბილისის სახელმწიფო სამედიცინო უნივერსიტეტი, მდებარე: ქ.თბილისი, გუდამაყრის N4 (შემდგომში, „შემსყიდველი“), კლინიკის გენერალური დირექტორის, ----- სახით და მეორეს მხრივ -----, მდებარე: -----, ----- (შემდგომში - „მიმწოდებელი“), წარმოდგენილი ----- სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული გამარტივებული ელექტრონული ტენდერის (SPA -----) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1. შესყიდვის ობიექტია: -----

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს ----- (-----) ლარს.

2.2 ხელშეკრულების ჯამური ღირებულება მოიცავს მიმწოდებლისთვის მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები

3.1 შესყიდვის ობიექტის მიწოდება უნდა განხორციელდეს ხელშეკრულების გაფორმებიდან ----- (-----) დღის ვადაში.

3.2 შესყიდვის ობიექტის მიწოდება ----- მისამართზე: -----

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს ----- ჩათვლით, ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერებით.

5.2 მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისთვის საჭირო ყველა სხვა დოკუმენტი.

6. ხელშეკრულების ობიექტის ხარისხი და გარანტია

6.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

6.2 შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.

6.3 „შემსყიდველი“ ვალდებულია, წერილობითი ფორმით, დაუყოვნებლივ აცნობოს „მიმწოდებელს“ ნაკლის აღმოჩენის შესახებ.

6.4 შეტყობინების მიღების შემდეგ, „მიმწოდებელი“ ვალდებულია, შემსყიდველის მიერ მითითებულ ვადაში აღმოეხვრას არსებული დეფექტები, საკუთარი ხარჯით ან ჩაანაცვლოს ახლით. მიმწოდებელს

დაეკისრება, როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისთვის მიყენებული ზიანის ანაზღაურება.

6.5 თუ „მიმწოდებელი“, ნაკლის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

7. ანგარიშსწორების ფორმა, გრაფიკი (ვადები)

7.1 „მიმწოდებელთან“ ანგარიშსწორება განხორციელდება ლარში;

7.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3 წინასწარი ანგარიშსწორება გათვალისწინებული არ არის.

7.4 ანგარიშსწორება „შემსყიდველის“ მიერ მოხდება, შესყიდვის ობიექტის მიწოდების დამადასტურებელი დოკუმენტების - მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის (თუ მიმწოდებელი არ არის დღგ-ს გადამხდელი, მაშინ მან უნდა წარმოადგინოს შესაბამისი ცნობა სსიპ „შემოსავლების სამსახურიდან“), კონტროლის ჯგუფის დასკვნის, წარმოდგენიდან არაუგვიანეს ----- (-----) დღის ვადაში.

7.5 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

8. მხარეთა უფლება-მოვალეობანი

8.1 „შემსყიდველს“ უფლება აქვს:

- შეამოწმოს **შესყიდვის ობიექტის** შესაბამისობა ხელშეკრულებით გათვალისწინებულ პირობებთან.
- განხორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- უარი თქვას უხარისხო **შესყიდვის ობიექტის** მიღებაზე.

8.2 „შემსყიდველი“ ვალდებულია:

- წერილობით აცნობოს „მიმწოდებელს“ **შესყიდვის ობიექტთან** დაკავშირებული ყველა განსაკუთრებული გარემოების შესახებ.
- მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები.

8.3 „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული **შესყიდვის ობიექტის** ღირებულების ანაზღაურება ხელშეკრულებით გათვალისწინებული პირობებით.

8.4 „მიმწოდებელი“ ვალდებულია:

- გააფრთხილოს „შემსყიდველი“ **შესყიდვის ობიექტის** შეფერხების შესახებ.
- დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

9.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისთვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.

9.5 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტეხლოს გადახდა, შეუსრულებელი ვალდებულების 10%-ის ოდენობით.

9.6 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ გადაგადაცილებულ დღეზე - დროულად მიუწოდებელი შესყიდვის ობიექტის ღირებულების 0,3 (ნული მთელი სამი მეათედი) პროცენტის ოდენობით, მაგრამ არანაკლებ 10 (ათი) ლარისა.

9.7 შემსყიდველი იტოვებს უფლებას ხელშეკრულების 5.1. მუხლის დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტეხლოს თანხის დაკავება და გადარიცხვა შესაბამის ანგარიშზე. ეტაპობრივად ანგარიშსწორების შემთხვევაში, პირგასამტეხლოს დაკავება განხორციელდება უკანასკნელ ეტაპზე გადასახდელი თანხიდან.

9.8 9.7 მუხლის გამოუყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტეხლოს გადახდა.

10. ხელშეკრულების პირობების გადასინჯვის შესაძლებლობა

10.1 არავითარი გადახრა ან ცვლილება, ხელშეკრულების პირობებში, არ დაიშვება ორივე მხარის მიერ ხელმოწერილი წერილობითი შესწორების გარეშე.

10.2 თუ რაიმე წინასწარ გაუთვალისწინებელი მიზეზების გამო, წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

10.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.6. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში, მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11.3 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

11.6 11.3 ქვეპუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

12. ფორს-მაჟორი

12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

13. დავები და მათი გადაწყვეტის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების ინსპექტირების პირობები

14.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

14.2 ხელშეკრულების კონტროლს შემსყიდველის მხრიდან განახორციელებს: -----
.

14.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

14.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე, მეორე მხარეს ეცნობება წერილობით.

15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

თბილისის სახელმწიფო სამედიცინო უნივერსიტეტის
ალ. ალადაშვილის სახელობის საუნივერსიტეტო კლინიკა
მისამართი: ქ.თბილისი, გუდამაყრის N4
საიდენტიფიკაციო ნომერი 211328703
სს თი ბი სი ბანკი, კოდი TBCBGE22
ა/ა GE34 TB11 0000 0000 609 229

„მიმწოდებელი“

საიდენტიფიკაციო ნომერი -----
სს -----, კოდი -----
ა/ა -----

გენერალური დირექტორი

----- დირექტორი

დამატებითი ინფორმაცია:

სატენდერო დოკუმენტაციასთან დაკავშირებით განმარტებების მიღება პრეტენდენტს შეუძლია სატენდერო კომისიის აპარატში მიმართვის საფუძველზე. ქ. თბილისი, ვაჟა ფშაველას გამზ. №33, ოთახი: №303, სატენდერო კომისიის აპარატი ტელ.: 254 24 56.

1.რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული

სატენდერო წინადადების ფასი:

3. სატენდერო წინადადების მოქმედების ვადა:

ტენდერში მონაწილეობის მისაღებად პრეტენდენტს შეუძლია წარადგინოს წინადადება ამ წესის მე-2 მუხლის პირველი პუნქტის „ლ“ ქვეპუნქტით გათვალისწინებულ ეტაპზე. პრეტენდენტის მიერ წარდგენილი წინადადება ძალაშია ამ წესის მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.“

4. მონაწილე ეთანხმება სატენდერო დოკუმენტაციაში მოცემულ პირობებს (მათ შორის მოწოდებისა და ანგარიშსწორების პირობებს).

ფასებისცხრილი

№	ჩამონათვალი	მწარმოებელი ქვეყანა	წარმოებული კომპანია და მარკა/ზუსტი მოდელი	ზუსტი მახასიათებელი	განზომილება	რაოდენობა		
							ერთ. ფასი	სულ ფასი
1	საკერავი აპარატები და ბიპოლარული მაკრატლები			იხ. დანართი N3	იხ. დანარ თი N3			

პრეტენდენტის ხელმოწერა -----

ბ.ა.

ძირითადი მახასიათებლები

	დასახელება/სპეციფიკაცია	განზომილება	რაოდენობა	ერთ. ფასი	სულ ფასი
1	ცირკულარული სტეპლერი მოხრილი, დაკეტვის მარეგულირებელი მაჩვენებლითა (დახურული კლიპების სიმაღლის დიაპაზონი 1,0 - 2,5 მმ) და უსაფრთხოების ხმოვანი და ტაქტილური ინდიკატორით, თავის დიამეტრი 23-25 მმ, ცირკულარული დანის დიამეტრი 16,4 მმ, მრტ თავსებადი კლიფსებით	ცალი	6		
2	ცირკულარული სტეპლერი მოხრილი, დაკეტვის მარეგულირებადი მაჩვენებლითა (დახურული კლიპების სიმაღლის დიაპაზონი 1,0 - 2,5 მმ) და უსაფრთხოების ხმოვანი და ტაქტილური ინდიკატორით, თავის დიამეტრი 28-30 მმ, ცირკულარული დანის დიამეტრი დაახლ. 20.4 მმ, მრტ თავსებადი კლიფსებით	ცალი	6		
3	ცირკულარული სტეპლერი მოხრილი, დაკეტვის მარეგულირებადი მაჩვენებლითა (დახურული კლიპების სიმაღლის დიაპაზონი 1,0 - 2,5 მმ) და უსაფრთხოების ხმოვანი და ტაქტილური ინდიკატორით, თავის დიამეტრი 33-34 მმ, ცირკულარული დანის დიამეტრი დაახლ. 24.4 მმ, მრტ თავსებადი კლიფსებით	ცალი	6		
4	მწვანე ფერის კარტრიჯი მოხრილ-ხაზოვანი აპარატისთვის, მომწვანო ფერის, მრტ თავსებადი კლიფსებით, შიდა კლიფსების ნაკერის სიგრძე 42მმ, გარე კლიფსების ნაკერის სიგრძე 48მმ, გაჭრის სიგრძე 40მმ	ცალი	10		
5	კარტრიჯები არტიკულაციური ხაზოვანი აპარატისთვის, სისხლმარღვოვანი ქსოვილებისათვის, სიგრძე 60 მმ, თეთრი ფერის, მრტ თავსებადი კლიფსებით	ცალი	12		
6	კარტრიჯები არტიკულაციური ხაზოვანი აპარატისთვის, გარდამავალი სისქის ქსოვილებისათვის, სიგრძე 60 მმ, ოქროსფერი, მრტ თავსებადი კლიფსებით	ცალი	12		
7	მრავალჯერადი ხაზოვანი აპარატი ჭრის ფუნქციით, ჩაკეტვის გარდამავალი პოზიციით, სიგრძე 55 მმ, მრტ თავსებადი კლიფსებით	ცალი	1		
8	მოდული გაკერვისთვის მრავალჯერადი საკერავი აპარატისთვის დანით, ჭრის სიგრძე 53 მმ, კლიფსების გარეშე	ცალი	24		
9	კარტრიჯები მრავალჯერადი საკერავი აპარატისთვის, 55 მმ ნორმალური სისქის ქსოვილებისთვის, მრტ შეთავსებადი კლიფსებით	ცალი	48		
10	კარტრიჯები მრავალჯერადი საკერავი აპარატისთვის, 55 მმ სქელი ქსოვილებისთვის, მრტ თავსებადი კლიფსებით	ცალი	48		

11	კარტრიჯები ხაზოვანი აპარატისათვის 30მმ, ჩამკეტი შტირით, საშუალო სისქის ქსოვილებისთვის, მრტ თავსებადი კლიფსებით	ცალი	12		
12	კარტრიჯები ხაზოვანი აპარატისათვის 60მმ, ჩამკეტი შტირით, საშუალო სისქის ქსოვილებისთვის, მრტ თავსებადი კლიფსებით	ცალი	12		
13	კარტრიჯები ხაზოვანი აპარატისათვის 60მმ, ჩამკეტი შტირით, სქელი ქსოვილებისთვის, მრტ თავსებადი კლიფსებით	ცალი	12		
14	ბიპოლარული მაკრატელი, "მეცენზაუმის ტიპის", სიგრძე 28 სმ, 3 მმ დიამეტრის სისხლმარღვების კოაგულაცია- დისექციისათვის. მაკრატელი დაფარულია კერამიკული საფარველით. შემაერთებელი ხრახნის დაფარულია საიზოლაციო საფარველით. წვერი მოხრილია 15 გრადუსით. კაბელით, კაბელის სიგრძე 5 მეტრი.	ცალი	2		
15	ბიპოლარული მაკრატელი, "მეცენზაუმის ტიპის", სიგრძე 23 სმ, 3 მმ დიამეტრის სისხლმარღვების კოაგულაცია- დისექციისათვის. შემაერთებელი ხრახნის დაფარულია საიზოლაციო საფარველით. მაკრატელი დაფარულია კერამიკული საფარველით. წვერი მოხრილია 15 გრადუსით. კაბელით, კაბელის სიგრძე დაახლ.5 მეტრი.	ცალი	2		
16	კლიპაპლიკატორი დიდი კლიფსებისთვის, სიგრძე 19სმ, მოხრის კუთხე 15°	ცალი	1		
17	კლიპაპლიკატორი დიდი კლიფსებისთვის, სიგრძე 26,7სმ, მოხრის კუთხე 45°	ცალი	1		
28	ქისისებური ანასტომოზის დასადები, მრავალჯერადი	ცალი	1		